

Ո Ր Ո Շ Ո Ւ Մ N3/1

Լևոն Մալխասյանին վարչական պատասխանատվության ենթարկելու մասին

14 մարտի 2022թ.

ք. Ճամբարակ

Ճամբարակ համայնքի ղեկավար Վ.Աղամյանս քննելով Լևոն Ռոբերտի Մալխասյանի կողմից վարչական իրավախախտում կատարելու վերաբերյալ 28.02.2022թ. կազմված արձանագրության հիմքով հարուցված վարչական վարույթի նյութերը՝

պ ա ր զ ե ց ի

ՀՀ Գեղարքունիքի մարզի Ճամբարակ համայնքի աշխատակազմի քաղաքաշինության, գյուղատնտեսության և հողի վերահսկողության բաժնի պետի փոխարինող Կարեն Մխիթարյանի կողմից կազմվել է վարչական իրավախախտման վերաբերյալ արձանագրություն այն մասին, որ Լևոն Ռոբերտի Մալխասյանը հանդիսանալով «ՆՈՐ-ՀԵՆԴ» ՍՊԸ-ի տնօրեն 17.07.2008թ. «ՆՈՐ-ՀԵՆԴ» ՍՊԸ-ին տրամադրված հանքարդյունահանման հատուկ՝ ՀԱ-Լ-14/549 լիցենզիայի առկայության պայմաններում՝ Ընկերությանը անհատույց օգտագործման իրավունքով պատկանող Գեղարքունիքի մարզի, Ճամբարակ համայնքի, Ճամբարակ քաղաքում գտնվող 05-002-0226-0045 կադաստրային ծածկագրով (Արմեն Գագիկի Բաղայանի անվամբ սեփականության իրավունքով գրանցված) 1,7 հա հողամասը հանքարդյունահանման նպատակով օգտագործելու նպատակով նշված հողամասին կից 05-002-0227-0016 ծածկագրով համայնքային հողի վրա 2022թ. հունվար-փետրվար ամիսների ընթացքում առանց սեփականության կամ հողօգտագործման իրավունք ունենալու այդ հողամասի վրա առանց թույլտվության, քաղաքաշինական նորմերի ու կանոնների էական

խախտումներով տեղադրել է թվով 4 վագոն տնակներ և շուրջ 30 տոննա տարողությամբ դիզելային վառելիքի ու ջրի տնարաներ:

Լևոն Ռոբերտի Մալխասյանն իր գործողություններով խախտել է ՀՀ քաղաքացիական օրենսգրքի 188-րդ հոդվածի 1-ին մասով սահմանված պահանջը, որի համար նախատեսված է վարչական պատասխանատվություն «ՀՀ վարչական իրավախախտումների վերաբերյալ» ՀՀ օրենսգրքի 154-րդ հոդվածի 3-րդ մասի հատկանիշներով:

Լևոն Մալխասյանը պատշաճ ծանուցվել է վարչական իրավախախտման վերաբերյալ գործի քննության տեղի ու ժամանակի մասին, ներկայացել և մասնակցել է գործի քննությանը, առարկություններ չի ներկայացրել, խնդրել է կայացվող վարչական ակտը ուղարկել փոստային ծառայության միջոցով՝ ք.Երևան 0037, Արաբկիր 39 փողոց, տուն 1/3 հասցեով:

Ելնելով վերոգրյալից և ղեկավարվելով «Տեղական ինքնակառավարման մասին» Հայաստանի Հանրապետության օրենքի 35-րդ հոդվածի 1-ին մասի 24-րդ կետի, «Վարչարարության հիմունքների և վարչական վարույթի մասին» Հայաստանի Հանրապետության օրենքի 30-րդ հոդվածի 1-ին մասի «բ» ենթակետի, 53-րդ, 58-60-րդ հոդվածների, ՀՀ քաղաքացիական օրենսգրքի 188-րդ հոդվածի 1-ին մասով, Վարչական իրավախախտումների վերաբերյալ Հայաստանի Հանրապետության օրենսգրքի 219.1-րդ հոդվածի 3-րդ մասի, 154-րդ հոդվածի 3-րդ մասի պահանջներով՝

ո Ր Ո Շ Ե Գ Ի

1. Լևոն Ռոբերտի Մալխասյանին նկատմամբ նշանակել վարչական տուգանք 1.500.000 /մեկ միլիոն հինգ հարյուր հազար/ ՀՀ դրամի չափով՝ Վարչական իրավախախտումների վերաբերյալ Հայաստանի Հանրապետության օրենսգրքի 154-րդ հոդվածի 3-րդ մասով սահմանված գործողություններ կատարելու համար:

2. Ապամոնտաժել համայնքային հողի վրա տեղադրված վագոն տնակները և դիզելային վառելիքի ու ջրի տարաները Լ.Մալխասյանի հաշվին:


3. Սույն որոշումը կարող է բողոքարկվել վարչական կարգով Ճամբարակ համայնքի ղեկավարին՝ դրա ուժի մեջ մտնելու օրվանից երկու ամսվա ընթացքում կամ դատական կարգով՝ Հայաստանի Հանրապետության վարչական դատարան՝ երկամսյա ժամկետում:

4. Սույն որոշման պահանջները չկատարելու դեպքում «Վարչարարության հիմունքների և վարչական վարույթի մասին» Հայաստանի Հանրապետության օրենքի 88-րդ հոդվածով սահմանված կարգով այն ենթակա է հարկադիր կատարման՝ Հայաստանի Հանրապետության արդարադատության նախարարության հարկադիր կատարման ծառայության միջոցով՝ անբողոքարկելի դառնալուց հետո եռամսյա ժամկետում:

5. Սույն որոշումն ուժի մեջ է մտնում Լևոն Մալխասյանին որոշման ընդունման մասին իրազեկելուն հաջորդող օրվանից:

6. Սույն որոշմամբ սահմանված տուգանքը վճարել ՀՀ Գեղարքունիքի մարզի Ճամբարակի համայնքապետարանի 900185061356 հաշվեհամարին, թիվ 1 ՏԳԲ:

Համայնքի ղեկավար՝



Վ. Աղամյան

Ստացա որոշման մեկ օրինակը, ինձ բացատրվել է որոշման զանգառարկման կարգը, որի համար ստորագրում եմ՝ _____ Լ. Մալխասյան

14.03.2022թ.